

治未返皮島時珣疏言山東爲京都咽喉江淮屏障先年設兵二萬五千自清汰
抽調之後存者萬人兵力單孱不堪禦敵頃德州已復援兵二千其登州宜再增
三千人防守海口歸戶部徵解本司餉銀羨餘數萬爲招募團練之資疏未下興
治就撫珣恐其復萌異志再疏請設備乃得復登州兵二千半歲被劾引疾歸珣
詩文有藻思工分隸書善清談而內行甚脩時與兄琦琬稱三鳳年七十卒著有
接點撫齊二疏橐淨華庵橐行世子自友孫永禮皆工詩詞善書而詞家尤推永
禮爲吳郡詞人冠云

本獻集疏橐
參屈志家傳

屈志序珣巡按貴州事云適水蘭紛爭苗仲鵬張珣恩威兼示撫綏救輯此誤
也按神宗實錄苗仲之亂貴州巡撫張鶴鳴於萬曆四十五六兩年間以次討
平時珣尙未出巡無由撫綏若謂撫綏在其餘孽而餘孽亦何嘗救輯耶至水
蘭之釁起於四十六年五月及珣到任紛爭未止故嘗疏請飭川貴諸臣各行
嚴禁屈遂以爲撫綏救輯則過矣且珣生平自有實績而爲此鑿空杜撰之事

吳江縣志

卷二十八

名臣

三十三

不可解也其下文序珣巡撫山東事謂蓮妖煽擾青萊劉興治變生倉卒珣檄
文武勦禁全省得安亦誤興治之變用撫不用勦撫齊疏橐詳之蓮妖餘黨竊
發珣任山東布政使時嘗爲周防事載墓誌行略然不云以巡撫勦禁也屈志
失考無據大都若此

卷之二十九

人物六

名臣四

周宗建

洪祖烈 子明楨

潘有功

龐承寵 祖遠兄承穎

葉紹願

周燦

盛王贊

薛大訓

張孝起

王景亮

鈕應斗

吳之紀 祖瑞徵

顧雲龍

錢士鉉

費洪學

周宗建字季侯尙書用曾孫

用見震澤志

萬曆四十一年進士除武康知縣調繁仁和

有異政入爲御史天啓元年爲顧存仁王世貞陶望齡顧憲成請諡追論萬曆朝小人歷數錢寧臯康丕揚元詩教趙興邦亂政罪并詆李三才王圖時違事方棘上疏責備輔臣無何藩陽破宗建責當事大臣益急因請破格用人召還熊廷弼已論兵部尙書崔景榮不當信姦人劉保輔臣劉一燝不當抑言路因刺右通政林材光祿卿李本固材本固移疾去魏大中劾王德完庇楊鐫李如楨宗建爲德完力攻大中其持論數與東林左會是歲冬奉聖夫人客氏旣出宮復入宗建首抗疏極諫中言天子成言有同兒戲法宮禁地僅類民家聖朝舉動有乖內外防閑盡廢此輩一切隆恩便思踰分狎溺無紀漸成驕恣釁孽日萌後患難杜王聖朱娥陸令萱之覆轍可爲殷鑒忤旨詰責清議由此重之明年廣甯失廷臣多庇王化貞欲甚熊廷弼罪宗建不平爲劄兩人罪案頗右廷弼諸庇化貞者乃深疾宗建京師久旱五月雨雹宗建謂陰盛陽衰之徵歷陳四事一專譏大學士沈淮一請寬建言廢黜諸臣一言廷弼已有定案不當因此羅織朝士陰刺兵部尙書

吳江縣志

卷二十九 名臣

三十四

張鶴鳴給事中郭鞏一則專攻魏進忠略言近日政事外廷嘖嘖咸謂奧突之中莫可測識諭旨之下有物憑焉如魏進忠者目不識一丁而陛下假之嘖笑日與相親一切用入行政墮於其說東西易向而不知邪正顛倒而不覺况內廷之借端與外廷之投合互相扶同離間之漸將起於蠅營讒構之釁必生於長舌其爲隱禍可勝言哉進忠者魏忠賢故名也時方結客氏爲對食廷臣多陰附之其勢漸熾見宗建疏銜次骨未發也鄒元標建首善書院宗建實司其事元標罷宗建乞與俱罷不從巡視光祿與給事中羅尙忠力剔姦弊節省爲多尋請核上供器物中官怒取旨詰責宗建等有疏力持中人滋不悅給事中郭鞏者先以劾廷弼被謫廷弼敗復官遂深結進忠知進忠最惡宗建乃疏詆廷弼因詆朝廷之薦廷弼者而宗建與焉其鋒銳甚南京御史涂世業和之詆宗建誤廷弼且誤封疆宗建憤疏駁世業語侵鞏抉其結納忠賢事鞏亦憤上疏數千言詆宗建益力并及劉一燝鄒元標周嘉謨楊漣周朝瑞毛士龍方震孺江秉謙熊德陽輩數十人悉

指爲廷弼逆黨宗建益憤抗疏力駁其謬且曰李維翰楊鎬袁應泰王化貞皆壞封疆之人也元詩教力主催戰趙興邦賄賣邊臣皆誤封疆之人也其他薦維翰薦鎬薦應泰化貞者亦誤封疆之人也鞏胡不一擊之而獨苛求廷弼且詆薦廷弼者爲逆黨哉當是時忠賢勢益甚宗建慮內外合謀其禍將大三年二月遂抗疏直攻忠賢略言臣於去歲指名劾奏進忠無一日忘臣於是乘私人郭鞏入都嗾以傾臣并傾諸異己者鞏乃創爲新幽大幽之說把持察典編廷臣數十人姓名爲一冊思一網中之又爲匿名書羅織五十餘人投之道左給事中則劉弘化爲首次及周朝瑞熊德陽鞏若而人御史則方震孺爲首次及江秉謙鞏若而人而臣亦其中一人也旣欲羅諸臣以快報復之私更欲獨中臣以釋進忠之恨是察典不出於朝廷乃鞏及進忠之察典也幸直道在人鞏說不行始別借廷弼欲一弄陷之鞏又因臣論及王安笑臣有何瓜葛陛下亦知安之所以死乎身首異處肉飽烏鳶骨投黃犬古今未有之慘也鞏卽心膽進忠何至背公滅理且牽連

吳江縣志

卷二十九 名臣

三十五

劉一燝周嘉謨楊漣毛士龍鞏謂盡安黨請陛下窮究安死果出何人傾害則此事卽進忠一大罪案鞏之媚進忠卽此可爲證據矣先朝汪直劉瑾雖皆梟獍幸言路清明臣僚隔絕故非久卽敗今權璫報復反借言官以伸言官聲勢反借權璫以重數月以來熊德陽江秉謙侯震暘王紀蒲朝薦斥矣鄒元標馮從吾罷矣文震孟鄭鄜逐矣近且扼孫慎行盛以弘而絕其揆路摘瓜抱蔓正人重足舉朝各愛一死無敢明犯其鋒者臣若尙顧微軀不爲入告將內有進忠爲之指揮旁有客氏爲之羽翼外有劉朝鞏爲典兵示威而又有鞏輩蟻附蠅集內外交通驅除善類天下事尙忍言哉疏入進忠益怒率劉朝等環泣帝前乞自髡以激帝怒乃令宗建陳交通實狀將加重譴宗建回奏益侃直進忠議廷杖之閣臣力爭乃止奪俸會給事中劉弘化御史方大任等交章助宗建攻進忠鞏復力詆諸人詔下諸疏平議廷臣爲兩解之乃嚴旨切責奪鞏宗建俸三月是時劉朝典內操遂謀行邊廷臣微聞之莫敢言宗建曰鞏自謂未嘗通內今誠能書片紙過朝吾

請爲洗交結之名鞏噤不敢發。宗建乃抗疏極諫，歷陳三不可。九害會朝，與進忠有隙，事亦中寢。其冬出按湖廣，以憂歸。五年三月，大學士馮銓銜御史張愼言：嘗論已屬其門生曹欽程誣劾，而以宗建爲首。并及李應昇、黃尊素、忠賢，遂矯詔削籍。下撫按追贓，明年以所司具獄，緩遣緹騎逮治。俄入之李實疏中，下詔獄。毒訊許顯純厲聲罵曰：復能詈魏上公一丁不識乎？竟坐納廷弼賄萬三千幣之獄。宗建旣死，徵贓益急，其所親副使蔣英代之輸，亦坐削籍。忠賢敗，詔贈宗建太僕寺卿官一子。福王時，追諡忠毅。見明史

葉燮曰：宗建直諫，天挺見義，必爲前後疏請，皆切當世之大者。時稱直諫臣，卒死於諫，天下悲之。

洪祖烈字定遠，一字山峽，其先休甯人。祖賜客於蘇，遂爲邑之蘆墟人。祖烈少負氣，喜讀兵書，慕古忠臣名將及長從當世名節士，相砥礪。中萬曆四十四年，武進士授金山把總，陞汀州守備。天啓三年，以安邦彥危，貴陽調祖烈赴援，至則奉巡

吳江縣志

卷二十九

名臣

三十六

撫王三善令剿賊，攻金刀坑、克之，攻平塘、臥塘、克之，攻樂壩、石骨等三十餘寨，連克之，獲劉岡等二百餘戶，圍蔡氏渡，降之。閏十月，三善自將兵督陳祖烈攻破畢節寨，追奔至七山，箐直搗大方。大方者賊巢也。三善令祖烈赴省報捷，總督楊述中令護餉，仍進巢往來數百里，兵不過千人，撞塘出入，賊雖衆莫能挫其鋒。以功加銜副總兵，尋以調兵徵江，留鎮偏橋，會黑脚苗焚劫糧艘，祖烈以二百人禦之，敗苗兵千餘，苗復糾生力三千來，致死祖烈扼險以待，終不敢犯。督撫交章論薦，而閩黨崔呈秀方爲兵部尙書，賊殺邊將，荼毒正人，知祖烈素從周順昌、文震孟遊，惡之，格不得上。崇禎初，都城戒嚴，命守西直門。時中貴肆橫，諸將爭屈膝，祖烈投効求去，戎政尙書閔某慰留之，尋調神樞營參將，復調守湖廣。黎靖忌者中以考功法坐降，調歸。旣復，以南京兵部尙書李邦華薦，起補龍江水兵遊擊。常憤時事數求去，而本兵亦輒慰留。累遷至後軍都督府都督。時福王立南京，祖烈屢上書言兵事不報，復與馬士英阮大鍼忤，遂罷歸。國朝順治二年，嘉善吏部郎錢

棟籍鄉人爲兵守禦延祖烈主其事俄而兵潰棟死祖烈乃仗劍入閩從御史鄭爲虹給事中黃大鵬同守仙霞嶺三年八月大兵至祖烈力屈擁見貝勒迫之跪祖烈屹不動貝勒壯而欲降之祖烈曰負國不忠先不孝不忠不孝何用生爲明日復擁見令輸餉祖烈曰有餉則能戰何至於此嚙舌噴血大罵乃令驅出斬之祖烈奮躍奪刃刺胸死是日爲虹大鵬皆不屈死已貝勒念三人忠衣冠斂之祖烈門生王正梵僕進興扶祖烈柩以歸葬於某縣某所子明楨高才生削髮入山尋卒

論曰余始觀殉國彙編知都督以守浦城死及觀蘇州先輩小傳復知其歷官率才與節并旣得禮部郎洪琮所撰家傳觀之乃悉其前後事之詳而死節時語言狀貌尤令人肅然生敬其在吾邑蓋周忠毅吳忠義孫孝廉之儔也琮撰都督傳本於其冢孫琦所述行狀末叙死節事又其門人與僕所親見聞者較他書其可信者多故今采琮語爲本以作傳至明史傳鄭爲虹黃大鵬俱不及

吳江縣志

卷二十九

名臣

三十七

都督之死殆史館無琮傳前書或有焉而莫之信故耶若浙斜塘洪氏譜謂都督歸老蘆墟是但聞其罷歸於福王時而不聞其入閩後之死節也或反以是而疑之過矣

潘有功字臣伯平望人天啓二年進士授中書舍人崇禎三年選爲兵部車駕司主事五年遷職方司員外明年晉郎中素習武事及在樞曹以練達稱擢爲陝西參議至則攝關內守道事七年八月流賊犯渭南有功奮曰渭南富庶且當會城之衝萬一不守全秦動搖矣遂單騎馳入城衆以賊新盛請固守有功曰不挫其銳何守之能固聞賊勁惟塘馬近在二十里外而老營遙爲聲勢若殲其塘馬則老營不戰走矣下令蓐食夜四鼓戎服乘馬出軍民遮道阻之不可乃躬巡諸營勉慰之皆踴躍直前襲賊斬首百餘級比曉賊大奔潰無何徙靖虜道以賊屯塞邠州乃南趨鳳翔而賊復阻汧隴月餘聞北道稍通復改從北會參將浦國忠之官蘆塘卽與俱行十月抵涇州城新破無人野宿郊外會賊騎

大至登山自守凡一晝夜衆皆飢困已乃結隊前行遇賊伏衆驚潰有功墮馬傷
脅履得至官會冬防方急羽書旁午力疾視事八年二月始解嚴有功竟以勞瘁
卒官爲人曠達不事威儀詩文皆有清裁見獻集弟有權字仲衡兄貴後杜門著述
不事干謁識者高之見屈志

龐承寵字仲綬祖遠字惟明嘉靖三十二年進士授兵部主事監築京師外城先
期工竣而民不苦役轉禮部勘伊藩典獄輔臣嚴嵩子世蕃陰左右之遠抗世
蕃竟論橫死如律仕終光祿少卿參月志承寵天啓五年進士由南京兵部主事累
遷郎中出知衢州府衢爲閩浙衝多盜督捕急捕者縛良民以克盜愈熾承寵釐
辨真僞而盜息調繁知杭州杭省會事倍劇承寵鎮之以靜條列漕務當行者九
當禁者六備參用者十有一軍民賴之厯官湖廣左布政使歸家杜門以卒衢杭
之民皆立祠以祀兄承穎字英胄泰昌中以貢授望江訓導值三藩之封道經安
慶役夫萬人皆瀕於死承穎具言其狀於王竟得免邑人爲立全活萬人碑厯知

吳江縣志

卷二十九

名臣

三十八

黔陽餘干兩縣有循卓聲終瑞州府同知

葉紹顯字季若紳元孫天啓五年進士初授行人擢浙江道御史崇禎七年巡按
廣東時嶺海法紀久弛紹顯至察州縣之不職者悉劾罷之吏治一新海盜劉香
之亂參政洪雲蒸副使康承祖參將張一傑夏之木本明史作本陷賊營而總督熊文

燦議招撫紹顯謂賊方挾諸臣爲奇貨安得撫乃請移羅定道張國經肇慶游擊
朱之穎補其闕而突出兵擊之賊遂稍退明年香敗死餘黨就欸而裏海之盜尙
克斤新會界有蕉園連亘數里盜皆窟其中捕之則入海紹顯檄鎮兵伐去之復

駐兵彈壓未幾蛋戶乞撫紹顯納之得戶三百六十三男婦一千八百餘口廣東
遂平任滿命再按山西十一年京師戒嚴詔廷臣舉堪督撫者紹顯承詔薦中書
舍人陳龍正事見明史龍正前後上疏規切時事皆侃侃不阿論者稱紹顯能知人旋

擢太僕寺卿轉大理寺卿聞母疾亟告歸三年而明亡遂隱居不出垂三十年卒
子吳楫康熙二十四年進士知文安縣本張伯行撰墓誌參明史

周燦字光甫用元孫崇禎元年進士知宣化會稽二縣咸有治績十六年擢浙江道御史巡按江西入境屬吏皆遣役具揖迎獨某令兼以厚幣燦怒留役不遣吏皇遽乞歸乃召諭之令聞解組去時張獻忠連陷袁吉二郡省城大震燦登陴防禦復調兵討賊二郡得旋復明年福王立南京宗室朱統鑣誣劾江西在籍詞臣楊廷麟召健兒謀不軌燦具疏言廷麟聞燕京失守徒跣號泣願破家謀恢復事雖中沮而其奮不顧身以赴國難乃其實心有何他念得此異謗王不問又奏復艾南英舉人請錄用舊臣大學士傅冠兵部尙書熊明遇等明年南京亡遂歸不起惟與同邑高路者結詩社相唱和卒以追悼國事慟哭喪明所著有西巡政略澤畔吟

盛王贊字子裁曾祖應陽嚴州知府有清節王贊少貧苦依外家陽城張氏後徙郡城崇禎十年成進士授蘭谿知縣親友餞之晉江諸書記在坐王贊酌卮酒於江曰與諸公盟自今凡有利於民無利於官者不可不爲有利於官無利於民者

吳江縣志

卷二十九 名臣

三十九

慎不可爲及到縣一切公費悉蠲之湯溪蕘寇竊發衆號萬人焚掠山澤蘭民震恐王贊單車按行境上左右請設兵衛不可乃率里老講明鄉約具陳古今忠義之事詞旨慷慨聞者心動因使人持檄賊中諭以恩信爭縛首惡以獻事遂定蘭民素健訟王贊平心聽斷摘伏如神有甲牛爲乙所盜兩家俱有母牛互爭不決乃命置二母牛於庭東西而取子牛居中掠之乙牛啗草自若甲牛含淚匍伏有哀楚狀遂得其實遠近神之邑當往來孔道舟車供億民不堪命乃捐俸僱百人築室二十區居之日給工費不以煩民居三年當入覲有贖鍰四百金書記請爲行贊王贊曰非吾志也邑爲孔道陂塘圯廢其以是葺之急召吏受事兩月而竣扁舟就道惟衣囊書篋兩肩而已時詔入覲諸臣得直陳利害王贊上言南糧諸事俱報可尋命復任會歲大飢臺司下令追糶富民緣以牟利王贊獨嚴私販出境之禁有無通易及郊而止四方米價踊貴而蘭邑獨平民賴以濟巡按王範行部訪逮姦蠹王贊獨無所舉屢檄不應範怒監司田義素不快王贊從而搆之範

遂劾其偏執垂張當調去士民間之巷哭罷市至擁塞城門不得行王贊乃微服潛歸士民號呼奔走數百里爭致錢布爲助王贊堅却之廷臣倪元璐范景文鄭三俊等交章以薦上一日御講筵顧輔臣言曰人才難得愛惜宜先盛王贊何如人哉對曰潔已愛民上云何故被劾對曰不善事上官上曰此強項吏也越數日復問輔臣有一賢令未用忘其名輔臣莫能對上乃手出一摺具載劾疏始末曰盛王贊也此人宜在銓部命未下北都變作南都再造戎政尙書張國維東陽人時東陽新遭許都之亂都雖已擒而其黨懼罪尙負固劫掠國維遂請王贊補東陽至縣首驗獄囚凡事連許都者悉諭遣之其黨相謂曰今公不俘我爲功而反縱之可不解甲歸命七日以母喪去邑民援軍中奪情例詣闕請留不得蘭谿人立祠祀之歲以生日爲盛公會吳中人有經其地者必問訊盛公安否或至泣下乙酉五月聞南都被閉閣自縊爲人救解遂削髮爲僧避居陽城湖濱課村童自給日無再食嘗采芡蒿之屬雜麻麥而食衣每百結輒自引線聯絡負日簷下晏

吳江縣志

卷二十九 名臣

四十

然自適時當道者多其故舊遺書相問輒婉詞謝之亦不復答年六十有五卒

見獻集

薛大訓字六詒越來溪人後遷吳縣幼爲道士年十四棄去習舉子業中崇禎九年鄉試副榜家居著述會朝廷開賢良方正科大訓投策稱旨授成都通判治事精明府中事難辦者悉委之皆立就部使者薦其才擢衡州府同知衡州新爲流賊殘破官民多遁去大訓至攝府篆兼轄五州縣事撫字防緝無不至流亡漸歸有妖尼天然自稱將軍聚衆劫掠衡復騷動大訓計擒天然戮之散其黨境內以甯時南都初建議者以蘇松嘉湖諸郡爲三輔重地而難其守擢大訓知湖州府大訓至中途知湖州已納款從間道歸遇家人曰家破矣訊其父所在曰已被執遂長號入吳訶知父以不食斃獄乃假爲丐者負屍出殯於丙舍廬其側朝夕悲慟已著道士服剪髮作頭陀狀號紫光居士後疾革發其著述焚之卒年四十六無子女夫龔樸塋之吳山祖塋

本蘇州先輩小傳

張孝起字將子原名起曾祖基見儒林傳孝起崇禎三年舉於鄉十三年特賜進士除廉州推官

按崇禎庚辰會試榜發後復奉旨取史惇等百餘人各授以官名庚辰特用榜孝起亦由此榜故成仁錄云特賜進士除官張氏譜

謂中會試副榜者誤歲丁亥大兵平粵東孝起舉兵謀恢復戰敗被執妻妾俱投海死孝

起羈軍中會李成棟叛歸永明王孝起亦脫去至肇慶王用爲兵科給事中轉吏科時朝政決於成棟子元允而袁彭年丁時魁金堡蒙正發劉湘客附之五人皆專橫不循人臣禮孝起清真介直與大學士朱天麟等同心匡正不能勝辛卯王赴梧州元允留肇慶時魁等無元允援皆以罪去王乃以孝起代時魁掌吏科印久之擢右僉都御史巡撫高雷廉瓊未至四府破走避龍門島島破被執不食七日死

本明史參成仁錄

成仁錄及觚賸並云孝起從永明王遷兵科給事掌吏科印會十三營自楚戰敗入行在跋扈不法孝起疏劾其罪直聲大震鄖國公高必正驕蹇尤甚孝起責以大義卒懾伏焉按明史十三鎮之歸何騰蛟在順治三年明年爲大兵

吳江縣志

卷二十九

名臣

四十一

所敗諸鎮兵皆罷其後郝永忠輩仍留湖南不聞有十三營戰敗入行在事而孝起之至肇慶王以爲給事中在五年則所云疏劾十三營者誤矣至七年王赴梧州以孝起代丁時魁掌吏科印俄與廷臣共排去劉湘客而高必正者湘客鄉人也以湘客之罷深疾孝起怒罵於朝王爲解乃已蓋是時國勢衰弱必正輩擁強兵王方倚之故孝起不能與爭勝而云責以大義卒懾伏焉亦非事實也故今從明史附傳及同時各傳爲之考正以存其實云

王景亮字武侯富畝村人少力學崇禎十六年成進士授中書舍人福王時命主雲南試道梗不赴唐王立擢御史巡按金衢二府督軍援衢與永興伯張鵬翼同心協守加大僕卿兼視學政時衢之鳳凰山地險要而大兵近焉衆莫敢往景亮獨請行率兵三千爲守禦兵餒而譁立斬三人以大義泣諭衆乃定遠近聞風饋餉軍聲頗振後大兵圍衢不下有同年某仕本朝爲大官遣書招之立毀其書舊廣撫聞某至衢說降諸將皆嘿然俯首景亮叱斬之後城中內潰

大兵緣以入景亮正衣冠危坐堂上兵不敢害擁至帳前大呼列祖列宗不屈死之有僧某具棺斂爲歸里

本徐錫禧紀略參明史

鈕應斗字宿夫東吉港人幼有異表性沈靜寡言笑崇禎十六年成進士明年知漳浦縣應斗至延見紳耆問民疾苦夙夜以保惠爲務前知縣余瞿父所行善政一遵其法漳浦地濱海沃饒宦其地者號爲金浦應斗一無所染百姓驩愛方之前召後杜唐王立福州鄭芝龍放恣其卒往往魚肉下邑民有司不敢問後肆虐漳浦應斗輒繫治之而移文報芝龍芝龍積怒欲中傷之大學士黃道周尚書何楷並力爲之解芝龍乃貽書謝過而戒飭其麾下其後卒過漳浦無敢擾者上官以卓異薦會 王師平閩遂歸歸時年未三十後所知仕 本朝至大位者屢欲薦起應斗卒不許里居教授垂五十年卒年七十四子景琦字雲奏康熙二十年舉人亦有文行

大清

吳江縣志

卷二十九

名臣

四十二

吳之紀字小修同里人山元孫祖瑞徵萬曆中由進士爲工部虞衡司主事管驗試廳節慎庫裁抑內官以廉能稱陞饒州知府賑飢民平藩獄饒人頌之擢河南按察副使卽乞歸家居杜門以卒之紀生有夙慧年十二就童子試爲知縣熊開元所稱賞順治六年成進士授工部主事管理街道有勲戚家人骫法之紀杖之訴其主訟之官下刑部讞狀人咸懼之紀抗辨不屈尋得已遷湖廣按察司僉事轄荆沔以西地卑窪歲苦滄沒之紀考古隄防所在或修或創民得保室廬歲收亦稔時王師歲有事西南境內豐樂湖爲孔道湖徑十餘里舊用巨艘數千以鐵索首尾相銜濟師船倉猝雇諸民間商賈失業之紀議募船以備官不費商不病楚人頌之尋投劾歸杜門不事生產家貧書卷外無他物喜法書摹米芾酷似其爲詩秀婉古文擬歐陽修有時曳杖獨行與田夫牧豎爲伍相告語人益以是高之家居二十年卒所著有適吟詩草好我齋集若干卷子楫以能文知名於時

顧雲龍字公霖以吏員授衡州經歷遇事敢爲三署鄰邑篆皆有能聲陞淄川知縣淄川地瘠而瘠吏胥恒愚弄其民以作姦雲龍擿發無遺侵盜之風遂絕片言折獄案無留牘坐事左遷瀏陽丞瀏陽民多以漕運破家爲設法輸納公私便之值吳三桂作亂入境雲龍以不降被囚乘間逸入京報部驗明加同知銜發軍前效用後歸卒於家淄川祀之名宦祠

本錢志

錢士鉉字貢南康熙二十一年進士知昌化縣縣多山暴水壞田園多逋賦士鉉至計以新墾者補其額或以功令沮之不爲奪遂條請於當事當事可其議奏行之且下令他縣以爲法官未滿三載以卓異薦擢知武定州鄰邑有盜出沒州境陰結豪右爲囊橐吏無如之何士鉉誦得其主名以法痛繩之豪右震懾盜亦遂息未幾謝事歸士鉉居官多惠政而律已甚嚴歸里橐無餘貲門宇蕭然布衣蔬食中年喪偶鰥居以終

本錢志

費洪學字巽來年十三補諸生試輒前列康熙三十九年成進士選知博野縣北

吳江縣志

卷二十九 名臣

四十三

俗健鬪輕死好賭博多土娼夫婦常相棄而豪黠尤猖獗爲患洪學初至官首訪不法武舉魏某正其罪其餘一切先以大義開諭之再犯者必按法治不赦俗遂變秋糧加耗民戶獨畸重洪學裁之使紳民畫一社倉穀之貸於民者歲入息有常例洪學請於上官量減其息之半歷三載卒於官洪學居家孝弟自幼工舉子業所刊橐風行遠近揣摩其文而取科第者不可勝計兼能詩古文著有周易解東濠集